

Bahan asal dari Arkib
Negara Malaysia

Mahathir akan umum letak jawatan Ketua UMNO Perak

KUALA LUMPUR, Khamis — Datuk Seri Dr. Mahathir Mohamad dijangka akan mengumumkan perletakan jawatan selaku Ketua Perhubungan UMNO Perak dalam sidang Majlis Tertinggi UMNO Sabtu ini.

Perdana Menteri akan melantik Menteri Besar Perak, Datuk Seri Wan Mohamed Wan Teh yang kini Timbalan Ketua Perhubungan UMNO Negeri itu untuk mengambil alih jawatannya, sumber-sumber politik memberitahu Bernama hari ini.

Datuk Seri Dr. Mahathir dalam sidang Majlis Tertinggi UMNO bulan lalu telah menyatakan, beliau akan melepaskan jawatan tersebut memandangkan krisis politik UMNO Perak telah selesai.